

## Música, maxia, monicreques e teatro no outono gondomareño.

Escrito por Redaccion @valminorinfo  
Venres, 05 Novembro 2010 22:07

---



Unha variada carteleira de música e teatro chega a las parroquias de Gondomar a través de dous ciclos: "Música nas parroquias 2010" e "Mostra de Teatro e Maxia de Outono". Os espectáculos para este fin de semana comezan o día sábado 6 ás 19:30 horas cun concerto da Escola Infantil de Música de Vincios no Centro Cultural de Donas, a entrada é de balde. Logo, ás 22:00 horas, no Auditorio Luis Tobío de Gondomar, preséntase a obra "Nunca Menos!", da compañía viguesa Fulano, Mengano e Citano, un percorrido en clave de humor ácido a través da historia de Galicia.. O prezo das entradas é de 3,5 euros, e a venda comeza unha hora antes.

O programa do Auditorio Luis Tobío, inclúe once espectáculos: teatro para adultos, maxia e monicreques que se desenvolverán durante os meses de novembro e decembro. En canto ao ciclo musical, a banda Infantil de Vincios e o grupo Big Band, percorreren as parroquias do municipio tódolos fines de semana.

### Carteleira

#### Teatro para adultos

O vindeiro sábado, o día 13, actuará o grupo Expresións, coa obra de teatro "Toda unha vida", unha comedia tenra e íntima que sorprenderá ao espectador pola súa mestura de comicidade e emoción. O venres 19 chega un dos pratos fortes da programación, o monólogo de Carlos Blanco sobre o Camiño de Santiago, baixo o nome de "Só". A programación de teatro complétase con "Kamouraska", a proposta de Inversa Teatro para o 4 de decembro.

#### Maxia e nenos

## **Música, maxia, monicreques e teatro no outono gondomareño.**

Escrito por Redaccion @valminorinfo  
Venres, 05 Novembro 2010 22:07

---

Xa o sábado 20 de novembro dará comezo a segunda edición do ciclo de maxia de Gondomar co espectáculo “Trío de Ases”, onde tres ilusionistas ofrecerán un espectáculo de maxia tradicional. Recollerán a testemuña o Mago Xacobe (27 de novembro) con “Ilusións máxicas” e Cayetano Lledó (11 de decembro) co seu espectacular “Máxico Circus Cabaret.”

A programación de Nadal arrancará o 18 de decembro, co Mago Chrystian e o seu especial “A Maxia do Nadal”, un gran espectáculo de ilusionismo deseñado especialmente para as festas. Por último, xa durante as vacacións escolares, o Auditorio Municipal Lois Tobío acollerá varias funcións teatrais para os máis pequenos. Serán os días 27, 28 e 29 de decembro, coas representacións de “Lume” de Babaluva Teatro, “Osofete” de Titiritempo e “Estamos monstros de risa”, de Tanxarina, respectivamente. Estas actuacións serán ás 18.00 horas.

### **Música**

Recital do grupo Big Band no Centro Cultural de Mañufe ás 13 horas.

Os ciclos están organizados pola Concellería de Cultura de Gondomar, dirixida por Ignacio Troncoso, e conta para a mostra de teatro coa colaboración da Axencia Galega das Industrias Culturais da Xunta de Galicia (Agadic).